

Discedunt, totoque patet cum monte cacumen.  
 \*Prospicio, nusquam dictus viget ignis in illo.  
 Ignis at ille meus, qui tot tot noctibus ardet,  
 In sublime sua dat grandia lumina flamma.  
 Credere non possum vestras remanere carinas,  
 Quin veniant, dabit hora locum, quo nempe  
 venire

Intrepidus poteris Baleæ solatia præstans.  
 Si qua mei tibi cura subit dilecte fidelis,  
 Non regimen, portusque meos, nec munera  
 sperne,

Hoc propter ridens mihi quatenus hoste fugato  
 Et victo pariter, mecum communia regna  
 Et commune bonum possis constanter habere.  
 His etiam lectis, quam plurima scripta leguntur,  
 Quæque neci, & eorum nomina narrant.  
 Designant etiam, quibus ictibus occubuerunt,  
 Et languore famæ gentem, gladioque coactam  
 Velocis citius passuram damna ruine.

Interea reliquæ servantes æquora naves  
 Contempto patrum jussu prædamque sequuntur  
 Vicinas ponto villas, & castra pererrant.  
 His vecti Mauræ sparsos per rura sequentes  
 Gaudebant cunei propero cohibere tumultu,  
 Et victos pariter præstante vigore necare.  
 His inerat Salomon flava de gente creatus  
 Cum ratibus geminis Pisani associatus,  
 Viribus, & membris ingens, specieque decorus.  
 Hic intra quædam validi campestris castris  
 Collectis spoliis navem properando petebat.  
 Multus eques, multusque pedes contendit in  
 ipsum,

Inque resistentem collatis viribus ivit.  
 Hunc Paganorum straverunt agmina postquam  
 A fociis homini caput abscidere relicto,  
 Vexillumque sibi, vitam pariterque tulerunt.  
 Hæc nova facta volant, dum multos omnia  
 terrent,

Appropiatque dies adventus Omnipotentis  
 Invictique Dei, de Virgine quando parente  
 Christus nostra salus carnem nascendo recepit.  
 Langrior in urbe gravis Baleari, & famesque  
 Barbaricum populum non leviter attenuant.  
 Hinc præter carnes hyemanti cara fuerunt  
 Omnia militiæ, nec vino carius ullum.

\*Infula vastatur Baleæ, Rex fœdera poscit.  
 Fama refert comites Regi de pace loquutos  
 Venales factos, privataque dona rogare,  
 Et propter reditum Baleæ naves habituros,  
 Cum quibus ad patrios portus remeare valerent,  
 Si modò Pisani jungi sibi fœdere nollent.  
 Alphæis igitur Ducibus quasi religionis  
 Sermones faciunt, fraternas affore curas  
 Pectoribus referunt, captivos esse petendos  
 Obsidibus sumptis citiusque rogant redeundum,  
 Et cunctis coram sunt talia verba loquuti.  
 Quod petimus rex omne facit, vos laudis  
 honorem

Queritis & bellum tantum pro laude movetis  
 Seu pro divitiis? Vos, & Majorica vestros  
 Sat parvipendit tantos illæ labores,  
 Creditis & cleris, qui vos pugnare jubentes  
 Agmina conspiciunt tot jam fluctantia campo.  
 Bella videre volunt, gaudent de sanguine nostro,  
 Quorum doctrinam, monitus, & iussa refutent  
 Hii, qui victores cupiunt ex Marte reverti.

Nos igitur nullus jubeat pugnare sacerdos.  
 Quam cædat mucro nescit, quam lancea pungat:  
 Incipiat, faciat, qui diligit ista iubere.  
 Dicta quidem à factis multum distare videntur.  
 Nos qui sentimus crebrosque rependimus ictus,  
 Arbitrio pugnare decet, non iussibus horum.  
 Contra justitiam justè committere pugnam

A Nemo potest, justi justam cognoscite causam.  
 Sunt pro captivis qui se venisse fatentur,  
 Sed pro mundano nimis altercantur honore.  
 Captivis habitis, aliud linquatur, & ultra  
 Nec laus orbis, honor, nec inanis pompa,  
 petantur.

Sex vexilla super pateant communia turre.  
 His habitis majora quidem quicumque requirit  
 Aspicit haud recto Balearica mœnia visu.  
 Adde Moabitas quos expectare feruntur,  
 Qui quantum gladiis, & quantum cuspide possunt,  
 Quippe viri Martis, docuit vos bellicus usus.  
 Si veniant ergo prædam de rure feretis?  
 Felices sanè nimium si castra tenere

B Vos quoque tutari promptè valeatis ab ipsis;  
 Spes prædæ nec erit. Quæ gens in lege valebit  
 Vivere, vitalis quando tibi decideret usus:  
 Indubitanter equis, nobisque cibaria defunt.  
 Nec tam proluxa magis est ambage morandum.  
 Dicite quapropter: si regia fœdera vultis,  
 Et facitis, patrias unâ tendamus ad pedes;  
 Sive refutatis, vos, incunctanter abimus.  
 His respondere occurrunt Henricus, & Azo.

Quisquis ad has partes aliud fortasse requirat,  
 Nos pro captivis ad eas venisse fatemur,  
 Non ob eos tantum quos detinet insula captos,  
 Ast ob eos etiam quos defendere fuisset.  
 Extirpare malum, domino faciente, putamus,  
 Nec volumus post nos tantum remanere ba-  
 rathrum.

C Non quia Pisani plures teneantur ab ejus  
 Pestiferis vinclis, plures de nomine vestro  
 Perpetuis penis hostilis turba trucidat,  
 Nobis vestra fides, socialia fœdera spondens  
 Sub juramento sese conjunxit, & ultra  
 Quam juravistis non obsecrare nequimus.  
 Non timor hoc faciet jusjurandum revocari,  
 Velleque pro nostro nos non revocabimus un-  
 quam.

Facta semel justè stat turpe resolvere sæpe.  
 Paremus Clericis, quia venit ab ordine sacro  
 Jussio pugnandi, nam jussit prælia Papa  
 Sedis Apostolicæ, cujus præcepta sequuti  
 Tantum propositum nusquam mutare valeamus.

D Ne discedatis non fecimus, haud faciemus.  
 Hic neque discessus vobis videatur honestus,  
 Si defunt vestes, defuntque cibaria vobis,  
 Vobis, & vestris quod convenit omne paramus.  
 Auditis Comites his verbis conticuerunt,  
 A patribus sumptus qui largos sæpe petentes  
 In proprios usus communia quæque trahebant.  
 Gothorum procerum postquam siluere furores  
 A pelago redeunt custodia publica prout,  
 Allatis scriptis Baleam quæ cymba ferebat,  
 Inter quæ fuerat memorati charta Buthalis.  
 Impensas multas ab amico nomine factas  
 Commemorando refert, curet persolvere quic-  
 quid

E Pro se largiri rex obsecraret amicum.

Subsidium reliquum si quod jubet ille parari  
 Immenso sumptus festinis mittere curet,  
 Venturum sese maturè præmonet ante  
 Quam geminare queat binaria cornua luna.  
 At Pisana manus solitas non deserit artes,  
 Quæ sibi proficiant festinans edificare.  
 Providus obseffam Karolus legatus in urbem  
 Progreditur regi parili sermone loquutus.  
 Jussio Pisarum, rex, nullis territa factis  
 Ad te me jussit concordii voce venire.  
 Huc missus Patribus sociisque faventibus adsum,  
 Inque meo sensu posuerunt publica facta.  
 Prospice quod docti debent ad cuncta videre,  
 Et regimen retinere tuum cum pace labora,  
 Non